

孔子及其弟子 治国语录

一 为政大略

苟正其身矣，于从政乎何有？不能正其身 如正人何？

修己以安百姓。

修己以安百姓，尧舜其犹病诸！

天下之达道五，所以行之者三。
曰 君臣也 父子也 夫妇也 昆弟也，
朋友之交也。五者，天下之达道也。
知、仁、勇三者 天下之达德也。所以
行之者一也。或生而知之，或学而知
之 或困而知之 及其知之一也。或安
而行之，或利而行之，或勉强而行之；

及其成功一也。

凡为天下国家有九经。曰：修身也 尊贤也 亲亲也 敬大臣也 体群臣也，子庶民也，来百工也，柔远人也 怀诸侯也。修身则道立。尊贤 则不惑。亲亲，则诸父昆弟不怨。敬大臣，则不眩。体群臣，则士之报礼重。子庶民，则百姓劝。来百工，则财用足。柔远人 则四方归之。怀诸侯 则天下畏之。

齐明盛服，非礼不动；所以修身也。去谗远色 贱货而贵德 所以劝贤也。尊其位 重其禄 同其好恶 所以劝亲亲也。官盛任使，所以劝大臣也。忠信重禄 所以劝士也。时使薄敛 所以劝百姓也。日省月试 既稟称事 所以劝百工也。送往迎来，嘉善而矜不能 所以柔远人也。继绝世 举废国，治乱持危 朝聘以时 厚往而薄来 所以怀诸侯也。凡为天下国家有九经，

所以行之者一也。

天地之道，可一言而尽也，其为物不貳，则其生物不测。天地之道，博也，厚也，高也，明也，悠也，久也。今夫天，斯昭昭之多，及其无穷也，日月星辰系焉。万物覆焉。今夫地，一撮土之多，及其广厚，载年岳而不重，振河海而不泄，万物载焉。今夫山，一卷石之多，及其广大，草木生之，禽兽居之，宝藏兴焉。今夫水，一勺之多，及其不测，鼃、鼃、蛟、龙、鱼、鳖生焉，货财殖焉。

故君子之道，本诸身，征诸庶民，考诸三王而不谬，建诸天地而不悖，质诸鬼神而无疑，百世以俟圣人而不惑。质诸鬼神而无疑，知天也；百世以俟圣人而不惑，知人也。是故君子动而世为天下道，行而世为天下德，言而世为天下则。远之则有望，近之则不厌。

溥博渊泉而时出之。溥博如天，渊泉如渊。见而民莫不敬，言而民莫不信，行而民莫不说。是以声名洋溢乎中国，施及蛮貊。舟车所至，人力所通，天之所覆，地之所载，日月所照，霜露所队，凡有血气者，莫不尊亲。故曰配天。

唯天下至诚，为能经纶天下之大经，立天下之大本，知天地之化育。夫焉有所倚？肫肫其仁！渊渊其渊！浩浩其天！苟不固聪明圣知达天德者，其孰能知之？

天下有三重焉，其寡过矣乎。上焉者，虽善无征。无征不信，不信民弗从。下焉者，虽善不尊。不尊不信，不信民弗从。

唯天下至圣为能聪明睿知，足以有临也。宽裕温柔，足以有容也。发强

刚疑 足以有执也。齐庄中正 足以有敬也。文理密察，足以有别也。

是故居上不骄，为下不倍。国有道其言足以兴，国无道其默足以容。

《诗》曰：“既明且哲 以保其身。”其此之谓与？

法语之言，能无从乎？改之为贵。巽与之言 能无说乎 绎之为贵。说而不绎，从而不改，吾末如之何也已矣。

吾其以讽谏矣乎。

良药苦于口，利于病；忠言逆于耳 利于行。故武王谔谔而昌 纣嘿嘿而亡。君无谔谔之臣 父无谔谔之子，兄无谔谔之弟，夫无谔谔之妇，士无谔谔之友，其亡可立而待。

王公不聘不动。

违山十里，蟪蛄之声犹尚存耳，
政事无如鹰之矣。

力之顺之，因子之时。无本无伐，
无暴无盗。

善，小节也。小民附矣，犹未足
也。

吾于甘棠，见宗庙之敬也。甚尊
其人 必敬其位 顺安万物 古圣之道
几哉。仁人之德教也 诚惻隐于中 悃
悃于内，不能已于其心。故治天下也
如救溺人 见天下强陵弱 众暴寡 幼
孤羸露 死伤系虏 不忍其然。

为人下者，其犹土乎！种之则五
谷生焉 掘之则甘泉出焉 草木植焉，
禽善育焉 生人立焉 死人入焉 多其
功而不言。为人下者，其犹土乎！

尔以民为饿，何不告于君，发仓

廩以给食之？而以尔私馈之。是汝不明君之惠，见汝之德义也。速已可矣。否则，尔之受罪不久矣。

上下相亏也，犹水火之相灭也。人君不可不察。而大盛其臣下，此私门盛而公家毁也。人君不察焉，则国家危殆矣。

仁德施政

道千乘之国，敬事而信，节用而爱人，使民以时。

务民之义，敬鬼神而远之，可谓知矣。

为政以德，譬如北辰，居其所而众星共之。

道之以政，齐之以刑，民免而无耻；道之以德，齐之以礼，有耻且格。

殷因于夏礼，所损益，可知也；周因于殷礼，所损益，可知也。其或继周

者 虽百世 可知也。

居上不宽，为礼不敬，临丧不哀，
吾何以观之哉？

能以礼让为国乎？何有？不能以
礼让为国 如礼何？

齐一变，至于鲁；鲁一变，至于
道。？

仁者先难而后获，可谓仁矣。

恭而无礼则劳，慎而无礼则蕙，
勇而无礼则乱，直而无礼则绞。君子
笃于亲 则民兴于仁 故旧不遗 则民
不偷。

泰伯，其可谓至德也已矣。三以
天下让，民无得而称焉。

巍巍乎，舜禹之有天下也，而不

与焉。

大哉尧之为君也！巍巍乎！唯天为大，唯尧则之。荡荡乎民无能名焉，巍巍乎其有成功也，焕乎其有文章！

才难 不其然乎 唐虞之际 于斯为盛。有妇人焉 九人而已。三分天下有其二 以服事殷。周之德 其可谓至德也已矣。

出门如见大宾，使民如承大祭。己所不欲 勿施于人。在邦无怨 在家无怨。

子为政，焉用杀？子欲善，而民善矣。君子之德风，小人之德草，草上之风，必偃。

上好礼，则民莫敢不敬；上好义，则民莫敢不服；上好信，则民莫敢不用情。夫如是，则四方之民襁负其子

而至矣，焉用稼？

言不可以若是其几也，人之言曰 为君难 为臣不易。如知为君之难也，不几乎一言而兴邦乎？

言不可以若是其几也，人之言曰，予无乐乎为君，唯其言而莫予违也。如是善而莫之违也，不亦善乎？如不善而莫之违也，不亦善乎？如是不善而莫之违也，不几乎一言而丧邦乎？

邦有道 谷 邦无道 谷 耻也。

邦有道 危言危行 邦无道 危行言孙。

晋文公谄而不正，齐桓公正而不谄。

无为而治者其舜也与？夫何为

哉？恭己正南面而已矣。

民之于仁也 甚于水火。水火 吾见蹈而死者矣，未见蹈仁而死者也。

知及之 仁不能守之 虽得之 必失之。知及之，仁能守之。不庄以莅之 则民不敬。知及之 仁能守之 庄以莅之 动之不以礼 未善也。

天下有道，则礼乐征伐自天子出 天下无道 则礼乐征伐自诸侯出。自诸侯出，盖十世希不失矣；自大夫出 五世希不失矣 陪臣执国命 三世希不失矣。天下有道 则政不在大夫。天下有道，则庶人不议。

能行五者于天下为仁矣。……恭、宽、信、敏、惠。恭则不侮 宽则得众 信则人任焉 敏则有功 惠则足以使人。

不降其志 不辱其身 伯夷 叔齐
与！

柳下惠 少连 降志辱身矣 言中
伦 行中虑 其斯而已矣。

虞仲 夷逸 隐居放言 身中清，
废中权。我则异于是，无可无不可。

尊五美，屏四恶，斯可以从政矣。

君子惠而不费，劳而不怨，欲而
不贪 泰而不骄 威而不猛。

因民之所利而利之，斯不亦惠而
不费乎 择可劳而劳之 又谁怨 欲仁
而得仁，又焉贪？君子无众寡，无小
大 无敢慢 斯不亦泰而不骄乎 君子
正其衣冠，尊其瞻视，俨然人望而畏
之，斯不亦威而不猛乎？

不教而杀谓之虐；不戒视成谓之

暴慢令致期为之贼，犹之与人也。出纳之吝谓之有司。

古之欲明明德于天下者，先治其国。欲治其国者，先齐其家。欲齐其家者，先修其身。欲修其身者，先正其心。欲正其心者，先诚其意。欲诚其意者，先致其知。致知在格物。

物格而后知至，知至而后意诚。意诚而后心正。心正而后身修，身修而后家齐。家齐而后国治。国治而后天下平。

民之所好，好之；民之所恶，恶之。

有国者不可不慎。辟，则为天下僂矣。

道得众得国，失众则失国。

尧舜帅天下以仁，而民从之。桀纣帅天下以暴，而民从之。其所令，反其所好，而民不从。是故君子有诸己而后求诸人，无诸己而后非诸人。所藏乎身不恕，而能喻诸人者，未之有也。故治国在其家。

至诚之道，可以前知。国家将兴，必有祲祥；国家将亡，必有妖孽；见乎蓍龟，动乎四体。祸福将至：善，必先知之；不善，必先知之，故至诚如神。

故至诚无息。不息则久，久则征，征则悠远，悠远则博厚，博厚则高明。博厚，所以载物也。高明，所以覆物也。悠久，所以成物也。博厚配地，高明配天，悠久无疆。如此者，不见而章，不动而变，无为而成。

其次致曲。曲能有诚。诚则形，形则著，著则明，明则动，动则变，变则化。唯天下至诚为能化。